



KERAJAAN NEGERI KELANTAN

PEKELILING PERKHIDMATAN NEGERI BILANGAN 9 TAHUN 2010

BANTUAN KHAS KEWANGAN TAHUN 2010

Adalah dimaklumkan bahawa Kerajaan Negeri telah bersetuju menerimapiakai Pekeliling Perkhidmatan (Persekutuan) Bilangan 10 Tahun 2010 untuk Anggota Perkhidmatan Awam Negeri Kelantan dengan pindaan sebagaimana berikut:-

(a)	<u>Perkataan</u>	<u>Diganti Dengan</u>
	Persekutuan	Negeri
	Kerajaan Malaysia	Kerajaan Kelantan

(b) Pegawai yang bersara kemudian dilantik semula secara kontrak/berelaun/sambilan tidak layak dibayar Bantuan Khas Kewangan sebanyak RM500.00.

2. Pekeliling Perkhidmatan ini hendaklah dibaca bersama surat JPA (SARAAN)(s) 63/145/1 Klt. 16(28). Pekeliling Perkhidmatan berkenaan boleh di muat turun melalui laman web <http://www.ipa.gov.my>.

(HAJI SHAFIE BIN ISMAIL)

Timbalan Setiausaha Kerajaan (Pengurusan)

b.p. **SETIAUSAHA KERAJAAN
NEGERI KELANTAN**

Pejabat Setiausaha Kerajaan Negeri Kelantan
Bahagian Pengurusan Sumber Manusia
Blok 2, Aras 2, Kota Darulnaim
15503 KOTA BHARU.

Bertarikh : 22 Ramadhan 1431H
01 September 2010M

[SUK.D.200(01) 600/9 Jld. 9/(27)]

Kepada : Semua Ketua Jabatan Negeri

Salinan kepada:

- 1) Ketua Pengurusan
Pihak Berkuasa Tempatan
- 2) Ketua Pengurusan
Pihak Berkuasa Berkanun Negeri
- 3) Semua Ketua Unit/Bahagian
Pejabat Setiausaha Kerajaan Negeri Kelantan



KERAJAAN MALAYSIA

PEKELILING PERKHIDMATAN BILANGAN 10 TAHUN 2010

BANTUAN KHAS KEWANGAN TAHUN 2010

TUJUAN

1. Pekeliling Perkhidmatan ini bertujuan melaksanakan keputusan Kerajaan memberi Bantuan Khas Kewangan bagi tahun 2010 kepada pegawai Perkhidmatan Awam Persekutuan.

LATAR BELAKANG

2. Kerajaan telah memutuskan supaya Bantuan Khas Kewangan sebanyak RM500.00 diberi kepada pegawai Perkhidmatan Awam Persekutuan sebagai tanda keprihatinan dan penghargaan Kerajaan terhadap sumbangan pegawai dalam pembangunan negara.

PELAKSANAAN

3. Bantuan Khas Kewangan diberi kepada semua pegawai Perkhidmatan Awam Persekutuan yang berkhidmat pada tahun 2010. Pegawai yang layak dibayar Bantuan Khas Kewangan adalah seperti berikut:

- a. pegawai tetap, sementara, sangkut, sambilan, *contract of service* dan guru sandaran;
- b. pegawai yang bercuti separuh gaji;
- c. pemandu yang dilantik oleh pegawai Jawatan Utama 'B' dan ke atas serta Gred Khas 'A' yang layak pemandu tetapi tidak disediakan pemandu oleh jabatannya; dan
- d. pegawai *contract of service* yang putus perkhidmatannya selama satu hari sebelum disambung semula perkhidmatan kontraknya.

Pegawai Yang Tidak Layak

4. Pegawai Perkhidmatan Awam Persekutuan yang tidak layak dibayar Bantuan Khas Kewangan adalah seperti berikut:

- a. pegawai yang mengambil cuti tanpa gaji sepanjang tahun 2010;
- b. pegawai yang berkhidmat di agensi yang diasingkan pengurusan saraannya sepanjang tahun 2010;
- c. pegawai yang dipinjamkan ke badan antarabangsa atau syarikat swasta sepanjang tahun 2010;
- d. pegawai yang ditamatkan perkhidmatan demi kepentingan awam atau demi kepentingan perkhidmatan awam dalam tahun 2010;
- e. pegawai yang dikenakan hukuman tatatertib selain daripada hukuman amaran;
- f. pegawai lantikan *contract for service*; dan
- g. pegawai dalam Kumpulan Pengurusan Tertinggi dan setaraf termasuk pegawai yang memegang Jawatan Utama/ Gred Khas.

Pegawai Yang Ditangguhkan Pemberian Bantuan Khas Kewangan

5. Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib, ditangguhkan pemberian Bantuan Khas Kewangan. Pegawai hanya layak dibayar Bantuan Khas Kewangan sekiranya Pihak

Berkuasa Tatatertib mendapati pegawai tersebut tidak bersalah atau pegawai hanya dikenakan hukuman amaran.

Kaedah Pembayaran

6. Bantuan Khas Kewangan dibayar kepada pegawai yang berkhidmat pada tahun 2010. Perkiraan Bantuan Khas Kewangan adalah tertakluk kepada genap satu bulan perkhidmatan. Kiraan genap satu bulan perkhidmatan bermaksud satu bulan kalendar.
7. Bantuan Khas Kewangan sebanyak RM500.00 dibayar pada 1 September 2010.
8. Pegawai yang bersara/ meninggal dunia/ letak jawatan/ tamat perkhidmatan/ tamat kontrak, perkiraan Bantuan Khas Kewangan adalah secara *proportionate* mengikut genap satu bulan perkhidmatan.
9. Pegawai yang mengambil cuti tanpa gaji/ berkhidmat di agensi yang diasingkan pengurusan saraannya/ dipinjamkan ke badan antarabangsa atau syarikat swasta tetapi tidak sepanjang tahun, perkiraan Bantuan Khas Kewangan adalah secara *proportionate* mengikut genap satu bulan perkhidmatan.
10. Bagi pegawai sambilan, perkiraan genap satu bulan perkhidmatan adalah dengan syarat mereka bekerja tidak kurang daripada 21 hari dalam sebulan. Sekiranya bilangan hari bekerja dalam sebulan adalah kurang daripada 21 hari, perkiraan bilangan hari bekerja adalah berdasarkan hari bekerja tertinggi dalam bulan berkenaan.

JABATAN YANG MEMBAYAR

11. Bantuan Khas Kewangan adalah menjadi tanggungan jabatan di mana pegawai ditempatkan pada bulan pembayaran atau jabatan terakhir di mana pegawai bertugas.


TARIKH KUAT KUASA

12. Pekeliling Perkhidmatan ini berkuatkuasa mulai tarikh ianya dikeluarkan.

PEMAKAIAN

13. Tertakluk kepada penerimaannya oleh pihak berkuasa masing-masing, Pekeliling Perkhidmatan ini pada keseluruhannya dipanjangkan kepada semua Perkhidmatan Negeri, Pihak Berkuasa Berkanun dan Pihak Berkuasa Tempatan.

“BERKHIDMAT UNTUK NEGARA”



(DATO' SRI ABU BAKAR BIN HAJI ABDULLAH)

Ketua Pengarah Perkhidmatan Awam,
Malaysia.

JABATAN PERKHIDMATAN AWAM
MALAYSIA
PUTRAJAYA

26 Ogos 2010

Semua Ketua Setiausaha Kementerian

Semua Ketua Jabatan Persekutuan

Semua Y. B. Setiausaha Kerajaan Negeri

Semua Pihak Berkuasa Berkanun

Semua Pihak Berkuasa Tempatan